

Headline	KL City tekad habis-habisan berdepan TNB		
MediaTitle	Sinar Harian		
Date	01 Mar 2024	Language	Malay
Circulation	140,000	Readership	420,000
Section	Sukan	Page No	38
ArticleSize	168 cm ²	Journalist	N/A
PR Value	RM 5,646		



KL City tekad habis-habisan berdepan TNB

PENGENDALI skuad hoki Kuala Lumpur (KL) City, I Vikneswaran menyifatkan kejayaan skuad muda warga kota itu mara ke suku akhir Piala TNB sebagai satu pencapaian membanggakan buat pembangunan pelapis, lapor **ZURAIEMEE ZAINAL**.

Malah, menurut legenda hoki negara itu, skuad muda KL City yang diperkuatkan dengan 19 kelibat pemain pasukan Sukan Malaysia (Sukma) Wilayah Persekutuan tersebut bertekad mara lebih jauh apabila berdepan jua-

ra Liga MHL 2024, Tenaga Nasional Berhad (TNB) pada Jumaat.

"Saya bangga apabila skuad projek jangka masa panjang terdiri daripada pemain masih muda mula memberi impak pada penampilan pertama saingan Liga MHL 2024.

"Pembelajaran dan peningkatan dalam kualiti hoki secara sepasukan serta secara individu dalam memperkasakan hoki di Kuala Lumpur.

"Sesuatu yang memberangsangkan sekali gus menjadi motivasi kepada pe-

main remaja lain, dengan ramai dalam kalangan pemain skuad ini pada tahun lalu adalah *ball picker*," katanya kepada *Sukan Sinar*.

Sebagai rekod, KL City mengakhiri cabaran di kedudukan kelapan iaitu dua menang, dua seri, enam tewas dalam kalangan 11 pasukan Liga MHL 2024.

Mengenai perlawanan menentang TNB kendalian Nor Saiful Zain di Stadium Hoki Nasional Bukit Jalil, Vikneswaran mengakui kelebihan milik juara baharu liga itu yang diperkuatkan pemain ke-

bangsaan, selain pakar pukulan sudut penalti Korea Selatan, Jang Jong-hyun.

"Ini pastinya satu peluang keemasan kepada pemain-pemain KL City untuk sekali lagi menyaingi TNB pada suku akhir.

"Tidak ada landasan lebih baik daripada ini untuk menguji diri dan pasukan apabila menentang lawan hebat seperti TNB," katanya.

Rekod liga berdepan TNB sebelum ini memihak kuasa hoki itu yang menang 13-0 pada 21 Februari lalu.